



■ ENGIADINA

Clostra isolada causa pandemia

(fmr/fa) Dürant la pandemia dal coronavirus es la clostra Son Jon a Müstair serrada pella populaziun e per giasts. Las nouv sours as cuntengnan tenor las prescripziuns dal chantun e sortan da la clostra be in cas urgiaint. «Quai chi fa mal es cha la populaziun nu po tour part pervi da la pandemia a la soncha messa», disch la priura *Aloisia Steiner*. Las ot sours ed ella nun han pel mu-

maint ingüns giasts, «tanter da no vaina adüna üna distanza da duos fin trais meters, quai vala eir pro l'urazchun e la messa.» Per as proteger dal coronavirus pon celebrar las sours la Pasqua d'ingon be daperellas, «ils concrettavels in cumün e regiun pon far quai be i'l spiert. Perquai tils includina in noss'urazchun.»

➤ PAGINA 7